

Podržani projekti – 2025. godina

Fond za aktivne zajednice

Javni poziv za podršku projektima lokalnih grupa za razvoj zajednice

Broj poziva: 1 – FAZ – 1/2025; Broj protokola: KP-I-55/25

U nastavku pogledajte projekte koje smo podržali kroz naš grant program Fonda za aktivne zajednice. Ove inicijative doprinose razvoju lokalnih zajednica, jačanju građanskog aktivizma, očuvanju javnih prostora i unapređenju kvalitete života.

Udruga mladih Par Selo Dubrave

Naziv projekta: *Kamen po kamen palača – faza 3*

Odobreno sredstava: 3.000,00 KM

Udruga mladih Par Selo-Dubrave nastavlja s adaptacijom društvenog doma, projektu kojem su se posvetili više od pet godina. Kroz treću fazu uređenja planiraju poboljšati sigurnost i pristupačnost objekta. Poseban fokus stavljen je na uređenje prilaza novoizgrađenoj terasi, ulaza u dom i pristupa ambulantni.

Aktivnosti uključuju ravnjanje i popločavanje staza, postavljanje betonskih flastera i ograde, te uređenje prilaza s ciljem da prostor postane funkcionalniji i sigurniji za sve korisnike. Projekat doprinosi boljoj upotrebi doma za društvena okupljanja i aktivnosti mještana.

Lokalna grupa za razvoj Gornja Tuzla

Naziv projekta: *To smo mi – Gornjotuzlaci*

Odobreno sredstava: 2.556,00 KM

LGR Gornja Tuzla organizuje manifestaciju *To smo mi – Gornjotuzlaci* kojom žele dodatno ojačati zajednicu i povezati mještane, dijasporu, udruženja i privrednike. Manifestacija uključuje kulturno-zabavni program, izložbeno-prodajni sajam, sportska takmičenja, dječje aktivnosti i vatrogasnu pokaznu vježbu.

Sredstva su namijenjena nabavci inventara, rekvizita i zahvalnica, čime se osigurava bolja organizacija događaja koji ima sve veći broj učesnika i posjetilaca. Cilj je jačanje međusobne saradnje, promocija lokalne zajednice i kulturnog identiteta.

Lokalna grupa za razvoj Dobrnja

Naziv projekta: *Sigurnim koracima u bosansku sobu*

Odobreno sredstava: 1.001,00 KM

GR Dobrnja projektom želi poboljšati sigurnost pristupa "Bosanskoj sobi", prostoru koji svakodnevno koriste mještani, posebno starije osobe i žene. Stepenice koje vode do prostorije trenutno su neosigurane, što predstavlja rizik za korisnike.

Projektom je planirano postavljanje zaštitne ograde, pločica na stepenice te uređenje pješačke staze. Dodatno, planirano je uređenje prostora sadnjom cvijeća i organizovanje zajedničkog okupljanja kao završne aktivnosti.

Lokalna grupa za razvoj Lukavac Mjesto

Naziv projekta: *Uređenje Begičke vode – Briga o čistoći vode*

Odobreno sredstava: 2.959,50 KM

LGZR Lukavac Mjesto želi urediti lokalni bunar "Begička voda" koji mještani koriste za piće, s ciljem zaštite kvaliteta vode i očuvanja zdravlja zajednice. Bunar trenutno nije natkriven, koristi se pomoću kante i izložen je zagađenju.

Planirane aktivnosti uključuju čišćenje bunara i okoline, dezinfekciju, popravku zidova, natkrivanje drvenom konstrukcijom s limenim krovom te postavljanje ručne pumpe. Završno uređenje uključuje postavljanje klupa i nasipanje kamenja radi estetskog i funkcionalnog poboljšanja prostora.

Lokalna grupa za razvoj Dragunja

Naziv projekta: *Priča o našem dvorištu*

Odobreno sredstava: 2.985,00 KM

LGR Dragunja ovim projektom želi zaštititi prirodno izvoršte kisele vode koje je ugroženo miješanjem sa slatkom vodom iz obližnjeg potoka. Pojava pukotina i promjene u zemljištu dovele su do razblaživanja izvora, čime se gubi njegoa karakteristična kvaliteta.

Planirane aktivnosti uključuju cijevljenje potoka kako bi se spriječilo miješanje voda, zaštitu prostora folijama te postavljanje umjetne ograde na ulazu u izletišta. Projekt doprinosi očuvanju lokalnih prirodnih resursa i stvaranju ugodnog prostora za boravak u prirodi.

UG KUD 27. juli Prokosovići

Naziv projekta: *Sanacija i zaštita bunara pitke vode*

Odobreno sredstava: 2.411,00 KM

Zbog čestih nestašica vode u Prokosovićima, KUD 27. juli realizuje projekt kojim će unaprijediti stanje lokalnih bunara "Memići" i "Avdići" koji su ključni za snabdijevanje stanovnika, vikend naselja i turističkih objekata.

Projekt uključuje sanaciju i zaštitu bunara od oborinskih voda i otpada, postavljanje odvodnih cijevi, uređenje i ograđivanje prostora, te dodatno opremanje odmorišta s klupama, koritima i rasvjetom. Cilj je osigurati higijensko i stabilno vodosnabdijevanje za više od 1.600 stanovnika.

Lokalna grupa za razvoj Solina

Naziv projekta: *Zdrava zajednica odgovorna zajednica*

Odobreno sredstava: **2.870,00 KM**

LGZR Solina projektom želi poboljšati uslove boravka u ambulanti mjesne zajednice koja se godinama suočava sa problemima loše ventilacije, curenja i neadekvatne temperature. Uslovi otežavaju rad ljekara i utiču na zdravlje pacijenata, posebno starijih osoba.

Kroz projekt će ugraditi klima uređaj u prostoriju ambulante, organizovati predavanja o mentalnom zdravlju i radionice radnookupacione terapije. Završna aktivnost uključuje obilježavanje 20 godina ambulante uz druženje, zdravstvene preglede i izložbu radova s radionica.

Lokalna grupa za razvoj Tinja

Naziv projekta: *Dječija igra*

Odobreno sredstava: **2.562,30 KM**

Zbog nedostatka prostora za igru i druženje djece, LGZR Tinja realizuje projekt izgradnje i opremanja dječije igraonice u sigurnom prostoru pored sportskog poligona. U Tinji živi oko 500–800 djece koja trenutno nemaju adekvatno mjesto za igru.

Aktivnosti uključuju ravnjanje i pripremu podloge, postavljanje ljuljačke, klackalice, klupa i kanti za otpad, te organizaciju svečanog otvaranja. Projekt doprinosi razvoju djece i poboljšanju kvalitete života u zajednici.